



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ
ԱԶԱՓՆՅԱԿ-2 ՆՍՏԱՎԱՅՐ

(ՀՀ, համայնք Երեւան, Ազաֆնայի, ՀԱԼԱՔԱՆ Փ., շենք 41Ա, 10-րդ ՀԱՐԿ)



ՈՐՈՇՈՒՄ

Հայցադիմումը վարույթ ընդունելու մասին

ԵՂ2/8401/02/24
17 Հոկտեմբերի 2024թ

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանի դատավոր Ն.Ավետիսյանն ծանոթանալով «Ազաստ» ՍՊ ընկերության ներկայացուցչի կողմից ներկայացված հայցադիմումին և կից փաստաթղթերին.

ՊԱՐԶԵՑ

«Ազաստ» ՍՊ ընկերության ներկայացուցչի կողմից հայցադիմում է ներկայացվել դատարան ընդդեմ Չարիշատ (Արամ) Մարտինի Սկրոչյանի անվան Արմավիրի բժշկական կենտրոն ՓԲ ընկերության՝ «Չարիշատ (Արամ) Մարտինի Սկրոչյանի անվան Արմավիրի բժշկական կենտրոն» ՓԲԸ-ի տնօրենի կողմից կայացված՝ «Ազաստ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին կայացված թիվ 08-838/823 որոշումն անվավեր ճանաչելու և պահանջի մասին:

ՀՀ քաղաքացիական դատավարության օրենսգրքի 234.6-րդ հոդվածի 1-ին մասի համաձայն՝ դատարանը հայցադիմումը վարույթ ընդունելու հարցը լուծում է այն ներկայացվելուց հետո՝ եռօրյա ժամկետում:

Նույն հոդվածի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

ՀՀ քաղաքացիական դատավարության օրենսգրքի 234.6-րդ հոդվածի 3-րդ մասի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումը ստանալուց հետո՝ հնգօրյա ժամկետում:

Նույն մասի երկրորդ պարբերության համաձայն՝ նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Ուսումնասիրելով ներկայացված հայցադիմումը, կից փաստաթղթերը, գտնում եմ, որ այն պետք է ընդունել վարույթ, քանի որ առկա չեն հայցադիմումի ընդունումը մերժելու կամ այն վերադարձնելու հիմքերը:

Միաժամանակ, Չարիշատ (Արամ) Սարտինի Սկրոչյանի անվան Արմավիրի բժշկական կենտրոն ՓԲ ընկերությունից պետք է պահանջել թիվ 08-838/823 որոշման հետ կապված իր տիրապետման տակ գտնվող բոլոր ապացույցները:

Ղեկավարվելով ՀՀ քաղաքացիական դատավարության օրենսգրքի 199-րդ հոդվածնով, **Դատարանը**

ՈՐՈՇԵՑ

- 1.«Ազաստ» ՍՊ ընկերության կողմից ներկայացված հայցադիմումն ընդդեմ Չարիշատ (Արամ) Սարտինի Սկրոչյանի անվան Արմավիրի բժշկական կենտրոն ՓԲ ընկերության՝ Չարիշատ (Արամ) Սարտինի Սկրոչյանի անվան Արմավիրի բժշկական կենտրոն» ՓԲԸ-ի տնօրենի կողմից կայացված՝ «Ազաստ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու մասին 06.10.024թվականին կայացված թիվ 08-838/823 որոշումն անվավեր ճանաչելու պահանջի մասին, ընդունել վարույթ:
- 2.Չարիշատ (Արամ) Սարտինի Սկրոչյանի անվան Արմավիրի բժշկական կենտրոն ՓԲ ընկերությունից պահանջել դատարան ներկայացնել 06.10.024թվականի թիվ 08-838/823 որոշման հետ կապված իր տիրապետման տակ գտնվող բոլոր ապացույցները:
- 3.Ապացույցներ պահանջելու վերաբերյալ որոշումը պատասխանող Չարիշատ (Արամ) Սարտինի Սկրոչյանի անվան Արմավիրի բժշկական կենտրոն ՓԲ ընկերության կողմից պետք է կատարվի սույն որոշումը ստանալուց հետո՝ հնգօրյա ժամկետում:
4. Եզրափակիչ դատական ակտը հրապարակել 2024թվականի նոյեմբերի 26-ին:
5. Որոշումն ուժի մեջ է մտնում կայացման պահից և բողոքարկման ենթակա չէ:

Դատավոր՝ Նաիրա Ավետիսյան